

**PANEL GWEITHREDOL**  
**AWDURDOD TÂN AC ACHUB GOGLEDD CYMRU**

Cofnodion **Panel Gweithredol** Awdurdod Tân ac Achub Gogledd Cymru a gynhaliwyd ddydd Llun 18 Mehefin 2023 ym Mhencadlys Tân ac Achub Llanelwy ac yn rhithiol dros Zoom. Dechreuodd y cyfarfod am 14.00 o'r gloch.

**Cynghorydd**

Y Cyng. Dylan Rees (Cadeirydd)  
Y Cyng. Paul Cunningham (Dirprwy Gadeirydd)  
Y Cyng. Chris Hughes  
Y Cyng. Gareth Sandilands  
Y Cyng. Carol Beard  
Y Cyng. Chrissy Gee  
Y Cyng. Dale Selvester  
Y Cyng. Gareth A Roberts  
Y Cyng. Rondo Roberts  
Y Cyng. Rob Triggs  
Y Cyng. Paul Rogers  
Y Cyng. John Ifan Jones

**Yn cynrychioli**

Cyngor Sir Ynys Môn  
  
Cyngor Sir y Fflint  
Cyngor Bwrdeistref Sirol Conwy  
Cyngor Sir Ddinbych  
Cyngor Bwrdeistref Sirol Conwy  
Cyngor Sir y Fflint  
Cyngor Sir y Fflint  
Cyngor Gwynedd  
Cyngor Sir Wrecsam  
Cyngor Gwynedd  
Cyngor Sir Wrecsam  
Cyngor Sir Ynys Môn

**Hefyd yn bresennol:**

Dawn Docx  
Stuart Millington  
Helen MacArthur  
Anthony Jones  
Paul Kay

Prif Swyddog Tân  
Prif Swyddog Tân Cynorthwyol  
Prif Swyddog Tân Cynorthwyol  
Rheolwr Ardal  
Rheolwr Ardal

Dafydd Edwards  
Tracey Williams  
Gareth Owens  
George Jones  
Ffion Evans  
Steve Morris

Trysorydd  
Pennaeth Cyfathrebu Corfforaethol  
Clerc a Swyddog Monitro  
Atebol – Cyfieithydd  
Cynorthwy-ydd Gweithredol  
Pennaeth TGCh

**1 YMDDIHEURIADAU**

**Cynghorydd**

**Yn cynrychioli**

**ABSENNOL**

**Cynghorydd**

**Yn cynrychioli**

Y Cyng. Alan Hughes

Cyngor Sir Ddinbych

## **2 DATGANIADAU BUDDIANT**

2.1 Nid oedd datganiadau o fuddiant i'w cofnodi.

## **3 HYSBYSIAD O FATERION BRYD**

3.1 Nid oedd hysbysiad o faterion bryd.

## **4 COFNODION Y CYFARFOD A GYNHALIWYD 19 MEHEFIN 2023**

4.1 Cyflwynwyd cofnodion y cyfarfod a gynhaliwyd ar 19 Mehefin 2023 i'w cymeradwyo.

4.2 **PENDERFYNWYD:**

**i) cymeradwyo bod y cofnodion yn gofnod gwir a chywir o'r cyfarfod a gynhaliwyd.**

## **5 MATERION YN CODI**

5.1 Nid oedd materion yn codi.

Codwyd eitem 11 o'r cyfarfod blaenorol gan gynrychiolwyr Undeb y Brigadau Tân yn y blaen-cyfarfod gyda'r Cadeirydd a'r Prif Swyddog Tân ac roedden nhw wedi gofyn am ddiweddariad ar bensïynau.

Ymatebodd PSTC McArthur fod Llywodraeth Cymru wedi ystyried yr holl ymatebion i'r ymgynghoriad ac wedi drafftio'r ddeddfwriaeth derfynol i symud pensïynau i'r fformat newydd. Mae GTAGC yn y broses o gyfathrebu ag aelodau unigol a bydd yn llunio Cwestiynau Cyffredin.

## **6. ADOLYGIAD O'R DDARPARIAETH FRYS – YMATEB I'R YMGYNGHORIAD CYHOEDDUS**

6.1 Cyflwynodd Rheolwr Ardal Jones y papur i'r Aelodau ac eglurodd mai pwrpas yr adroddiad oedd rhoi'r wybodaeth ddiweddaraf i'r Aelodau ar gynnydd a gweithgareddau'r adolygiad o'r ddarpariaeth frys. Aeth Rheolwr Ardal Jones ymlaen i fynd drwy'r adroddiad i'r Aelodau a diweddarau'r Aelodau bod yr Ymgynghoriad Cyhoeddus wedi'i ymestyn tan 30 Medi 2023. Roedd hyn o ganlyniad i fodloni trefniadau llywodraethu cynghorau, yn ogystal â cheisiadau gan y cyhoedd.

6.2 Cafodd yr aelodau wybod bod y grŵp wedi cyfarfod bum gwaith rhwng mis Mawrth 2023 a mis Mehefin 2023.

6.3 Darparwyd diweddariad cefndirol i'r ymgynghoriad. Mae'r Gwasanaeth wedi ymgysylltu â'r Sefydliad Ymgynghori, sy'n sefydliad

nid-er-elw. Mae'r Sefydliad wedi rhoi cyngor ac arweiniad i ni, gan ein galluogi i ddarparu arfer gorau. Rydym ar y trywydd iawn i ennill sgôr "Da" mewn sicrhau ansawdd. Mae'r Sefydliad Ymgynghori wedi darparu adborth cadarnhaol hyd yn hyn.

- 6.4 Mae'r Sefydliad Ymgynghori wedi darparu adborth cadarnhaol hyd yn hyn.
- 6.5 Hysbyswyd yr aelodau y byddai'r adroddiad ymgynghori drafft yn cael ei gyflwyno i Weithgor Awdurdod Tân yr Adolygiad o'r Ddarpariaeth Frys ar 5<sup>ed</sup> Hydref. Gyda'r adroddiad terfynol yn cael ei gyflwyno i'r Aelodau yng nghyfarfod yr Awdurdod llawn ar 16<sup>eg</sup> Hydref 2023.
- 6.6 Rhoddodd y Prif Swyddog Tân Docx ddiweddariad i'r Aelodau fod y cyfarfod Cyhoeddus terfynol wedi'i gynnal yr wythnos ddiwethaf. Mynegodd PST Docx ei diolch i gymunedau lleol am eu cefnogaeth a'u hymgyssylltiad ac i bawb sydd wedi rhoi cyhoedduswydd i'r digwyddiadau.
- 6.7 **PENDERFYNWYD:**  
**i) Nododd yr aelodau gynnwys yr adroddiad hwn**

## **7. ADRODDIAD SICRWYDD RHYDDID GWYBODAETH**

- 7.1 Cyflwynodd PSTC Millington yr adroddiad i'r Aelodau. Pwrpas yr adroddiad oedd rhoi sicrwydd i'r Panel Gweithredol bod prosesau'r Gwasanaeth ar gyfer ymdrin â cheisiadau am wybodaeth a gyflwynir o dan Ddeddf Rhyddid Gwybodaeth 2000 yn rhai cadarn ac yn lleihau'r risg o dorri rheolau data sy'n ymwneud â gwybodaeth bersonol.
- 7.2 Rhoddodd PSTC Millington gefndir yr adroddiad i'r Aelodau a rhoi'r newyddion diweddaraf iddynt y bu nifer o achosion sylweddol a difrifol o dorri rheolau data gan awdurdodau cyhoeddus yn ddiweddar.
- 7.3 Aeth PSTC Millington drwy'r prosesau sydd gennym ar waith; a thynnwyd sylw'r Aelodau at y ffaith bod gennym Swyddog Diogelu Data sy'n bwynt cyfeirio cychwynnol. Tynnwyd sylw'r aelodau at bwynt 5 i) hyd at iii) a oedd yn rhoi manylion y broses Rhyddid Gwybodaeth.
- 7.4 Hysbyswyd yr aelodau bod y Swyddog Diogelu Data yn falch o allu dweud na chafodd unrhyw achosion o dorri rheolau data GTAGC eu hadrodd o ganlyniad i ryddhau data personol yn amhriodol mewn ymateb i gais Rhyddid Gwybodaeth.
- 7.5 **PENDERFYNWYD:**  
**i) Nododd yr aelodau gynnwys yr adroddiad**

## **8. ASESIAD DRAFFT O BERFFORMIAD BLYNYDDOL 22/23**

- 8.1 Cyflwynodd Rheolwr Ardal Jones yr asesiad drafft i'r Aelodau i'w gymeradwyo o berfformiad Awdurdod Tân ac Achub Gogledd Cymru yn ystod y cyfnod 2022/23. Mae hyn mewn perthynas â chynnydd tuag at gyflawni ei amcanion Gwella a Llesiant hirdymor, Amcanion Cydraddoldeb tymor canolig; a chydymffurfiaeth â safonau perthnasol y Gymraeg. Hysbyswyd yr Aelodau y byddai Aseiad Perfformiad 22/23 yn cael ei gyhoeddi ar wefan yr Awdurdod erbyn 30 Medi.
- 8.2 Aeth Rheolwr Ardal Jones drwy'r asesiad gyda'r Aelodau a thynnodd eu sylw at bwyntiau 7, 8, 9, 10, 11, 12, 13, 14 a 15.
- 8.3 Canmolodd y Cyng. Rob Triggs y gwaith a wnaed gan dimau Archwiliadau Diogel ac Iach yn yr ardal leol ar ôl digwyddiad yn Nhal-y-Bont. Dymunai gyfleu ei longyfarchiadau i bawb.
- 8.4 Gofynnodd y Cyng. John Ifan Jones beth oedd ystyr "rhai" sgiliau Cymraeg, a pha gamau sydd wedi eu cymryd i wella ar hyn. Cafodd ei gwestiwn ei ateb gan Tracey Williams Pennaeth Cyfathrebu Corfforaethol a'r Iaith Gymraeg.
- 8.5 **PENDERFYNWYD:**
- i) **Cymeradwyodd yr Aelodau yr asesiad drafft o berfformiad yr Awdurdod yn 2022/23 (yn amodol ar fân ychwanegiadau a chywiriadau os oes angen) i'w gyhoeddi ar wefan yr Awdurdod erbyn 30 Medi; a**
  - ii) **nodi bwriad y Gwasanaeth i gyhoeddi fersiwn gryno syml o brif elfennau'r adroddiad asesu.**

## **9. ADRODDIAD MONITRO PERFFORMIAD CH1 23/24**

- 9.1 Rhoddodd Rheolwr Ardal Kay drosolwg i'r Aelodau o'r adroddiad Monitro Perfformiad.
- 9.2 Darparodd Rheolwr Ardal Kay wybodaeth am weithgarwch digwyddiadau a thynnodd sylw'r Aelodau at baragraffau 2, 3, 4, 5, 6, 7, 8, 9 a 10.
- 9.3 Hysbyswyd yr aelodau bod 4,439 o Archwiliadau Diogel ac Iach wedi'u cynnal ar draws Gogledd Cymru yn ystod y chwarter hwn.
- 9.4 Diweddarwyd yr aelodau na fu unrhyw farwolaethau oherwydd tân damweiniol yn chwarter 1.

- 9.5 Diweddarwyd yr aelodau y bu gostyngiad yn nifer y tanau gwyllt yr aethpwyd atynt.
- 9.6 Hysbyswyd yr aelodau bod nifer o ymgyrchoedd wedi cael eu cynnal yn ystod chwarter 1 a fu'n llwyddiannus.
- 9.7 Daeth y Cadeirydd Dylan Rees â pharagraff 11 i sylw'r Aelodau mewn perthynas ag argaeledd pypiau a'r targed yw cael 18 y dydd, ac mae hynny wedi'i gyrraedd. Dywedodd y Cadeirydd nad yw'n dangos yr holl waith caled a'r adleoli sy'n mynd ymlaen y tu ôl i'r llenni bob dydd i gyflawni'r lefel hon o ddarpariaeth frys.
- 9.8 O dan eitem rhif 12 Absenoldeb Salwch nodwyd bod y data hwn yn eitem newydd. Mae angen i aelodau fod yn ymwybodol o hyn. Hysbyswyd yr Aelodau bod Archwilio Mewnol ar hyn o bryd yn cynnal archwiliad o'r prosesau Absenoldeb Salwch.
- 9.9 Tynnodd yr Aelodau sylw at ba wariant goramser ychwanegol oedd wedi deillio o absenoldeb salwch mewn perthynas ag unrhyw ddarpariaeth frys oedd ei angen. Dywedodd PSTC McArthur nad oedd ganddi'r ffigurau hynny wrth law ond y byddai'n ymchwilio i'r mater.
- 9.10 Roedd y Cyng. Rob Triggs yn dymuno canmol y gwaith gwych sydd wedi'i wneud gan Lee Parson mewn perthynas â'r prosiect "Biker Down" a gofynnodd a fyddai'n bosibl anfon diolch gan yr Awdurdod Tân. Dywedodd Prif Swyddog Tân Docx y byddai hyn yn bosibl.
- 9.0 **PENDERFYNWYD:**  
**i) Nododd yr Aelodau gynnwys yr Adroddiad**

## **10 MATERION BRYD**

10.1 Nid oedd materion bryd i'w codi.

Rhowddwyd diolch i'r Aelodau am eu presenoldeb.

Daeth y cyfarfod i ben am: 14:38.